



**Fidel Monn-Venzin,
Sedrun/Ennetbürgen (NW)**

Naschius a Sedrun, satraus ad Ennetbürgen. Affonza en in vitg romontsch, la grond part dalla veta en Svizra tudestga. La sort da bia romontschs. Mo el sentir restan la plipart dad els era egl jester Romontschs e Grischuns. Aschia astg'ins era dir dil trapassau. Il giavisch da sias famiglias dad embellir il survetsch divin da sia sepultura cun enzacontas canzuns romontschas, cantadas dad entgins cantadurs romontschs da Sutsilvania e Lucerna, han segiramein fatg plascher al Fidel. Ils plaids - resumai ord ina da quellas canzuns «Il mat Grischun» - ein i bein a prau cun la veta dil Fidel: «Era sch'igl ei stau mia sort sco mat grischun da bandunar miu vitg natal, hiel mai emblidau egl jester mia patria, mes cuolms. Era leu sundel e restel Grischunes».

Il Fidel ei naschius ils 10 da fevrer 1926 «ain tgèsa gronda» a Sedrun. Sia affonza ha el passentau ensemen cun duas soras e treis frars. El mava aunc a scola, cu siu bab ei vegnius surprius dil trer anavos e stiuu far cura. Per pladir in fumegi muncavan ils raps. Aschia stuevan el e ses frars sper ir a scola pver sera e damaun il muvel. Finida la scola ha il Fidel anflau in tempset fadiglia cun parter o la posta a Sedrun. Da smarvegiliar eis ei, ch'el ha silsuenter saviu serender a Kreuzlingen a far igl emprendissadi da miradur. Returnaus ella patria ha il Fidel surpriu differentas lavurs da miradur sur sesez. Da quellas uras ha el fatg amicezia cun la Emilia Venzin da Selva. Essend ils 9 da zercladur 1949 enta Selva a mattauns e vulend ir a casa, vesa el, ch'in clavau enagiudem il vitg ei en flomma. El raquintava, ch'el hagi sco emprem dau alarm e senza targlinar entschiet a cumbatter il fiug cul resti da dumengias.

1952 ha ei tuccau da nozzas a Sedrun. Denton haveva il Fidel fatg la scola da polier. Ei sto esser ch'el haveva bunas reminiscenzas da siu patrun dil temps d'emprendissadi. En mintga cass eis el sepladius tier quel e priu dimora el marcau da Schaffusa. Leu ein era ses treis affons naschi. 1954 sedecida el dad encuir ina nova plazza. Quei ha siu vegl

«meister» buca propi vuliu capir e sincerau, sche la nova plazza plai lu buca ad el, sappi el turnar anavos da tut temps. Il problem era per Fidel buca la firma ed era buca il patrun, mobein la gronda distanza na-ven da Tujetsch. Ennetbürgen a Sutsilvania ei in schi tec pli damaneivel dalla patria ed ei era in vitg nua ch'ins ei vischin dils cuolms. Da cheu anora era la pusseivladad bia pli gronda da saver serender pli spert e pli savens en siu paradis: si Milez. Il Fidel ei, da miu saver. gl'emprem che ha baghegial si leu ord in baghetg ina tegia per far vacanzas.

Il puresser ha adina interessau el. El ha procurau per bein enqual vadiala si da Sutsilvania per purs da Tujetsch. Cun bein enqual marcadont eis el mintgamai vegnius gl'atun sin las alps, aschia che buca paucs purs han saviu far in marcau. Forsa seregordan quels dil Fidel en lur oraziuns.

Era ad Ennebürgen ei il Fidel staus fideivels a sia clamada sco polier to-chen paucs onns avon sia pensiun, nua ch'el ha aunc luvrau entgins onns tier la Pilatus Flugwerke Stans. Pli che 40 onns ha el astgau passentar en sia atgna casa. Avon paucs onns ha el giu rut in calun e silsuenter retratg ensemens cun sia dunna Emilia ina emperneivla habitaziunetta ella casa da vegls ad Ennetbürgen. Tgei plascher ch'els dus havevan , cura ch' ins fageva ad els ina viseta e raschunava dad eveniments actuals e vargai da nossa patria.

Ils 13 da fevrer 2013 ei Fidel morts. En in impressiunont survetsch di-
vin dil plaid eis el vegnius satraus ad Ennetbürgen. Lein tener il Fidel
e sia dunna Emilia, dus che han fatg honour a lur patria er'egl jester, en
buna memoria giavischond ad els in ruaus perpeten.

Berther Adalgott, Dallenwil (NW)